



27. august 2013

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquteqarpugut:

1. Aningaasanut inatsit 2013-moortumi konto pingaarnerni sorlerni ippat aningasaliissutit inuussutissarsiornermut siuarsaanissamut taamatullu suliffissanik siuarsaanissamut aningaasaliissutit, pineqarlutik siunnerfiit tamarmik (s.i. kommune-nut aningaasaliissutini, Namminersorlutik Oqartussat pigisaanni suliffeqarfinni il.il.)?

Inussiarnersumik konto pingaarnert immikkoortitaarlugit taakkunani immikkut paasisutissani allatatigut malugeqqusani.

2. Aningaasanut inatsit 2013-moortumi konto pingaarnerni sorlerni ippat aningasaliissutit ingerlatsinerneq qulannaarinnittut taamatullu aalisarnerneq-, piniarnerneq aammalu nunalerinerneq tunngasuni suliniuaanut aningaasaliissutit ineriartortitsinissamoortut (ilaatigut pineqarlutik Namminersorlutik Oqartussat suliffeqarfiutaannut kifpartuussinerneq isumaqatigiissini il.il.)?

Inussiarnersumik konto pingaarnert immikkoortitaarlugit taakkunani immikkut paasisutissani allatatigut malugeqqusani.

3. Qulaani konto pingaarnerni pineqartuni allannguinerit suut suliarineqarsimappat aningaasanut inatsisissatut siunnersuummi ukioq 2014-moortumi?

(Inatsisartuni ilaasortat Gerhard Petersen, aamma Siverth K. Heilmann, ATASSUT)

Tungavilersuut:

Naalakkersuisooqatigiit isumaqatigiissutaanni 26. Marts 2013 allassimasoqarpoq imatut:

- Suliffissaaleqineq akiorneqassaaq sulinnaasullu piaartumik sulilersinneqarnissaat pingaarnersaassaaq.
- Inuussutissarsiorneq pitsaasumik periarfissiinikkut aningaasarsiorfissat suliffiillu nutaat pilersinneqassapput.

- Aalisakkat tulaanneqartartut kiisalu aalisakkat nutaat tunisassiarineqarsinnaasut atorluallernerisigut nunami suliffissaqartitsineq annertusarneqassaaq.

Naalackersuisooqatigiit isumaqatigiissutaanniippoq aamma ”Nunarput ataatsimut isigalugu ineriartortinneqassaaq. Maannamut nunatta equngasumik ineriartortinneqalersimanagera aqqinniarlugu illoqarfiit mikinerit nunaqarfiillu ineriartotsinnissaat immikkut pilersaarusiorneqassaaq.”, taamatullu aamma allassimavoq “ Inuiaqatigiinni aningaasat kaaviiartinneqartut annertusartuarnissaat anguniarneqassaaq, aammalu nalituunngortitsinermi aningaasat nunatsinni sulisinneqarnissaat qulakkeerniarneqassaaq.”

Aamma Naalackersuisooqatigiit isumaqatigiissutaanniippoq, ”Nunarput aningaasarsiornikkut patajaatsumik ineriartortinneqassaguni pisariaqarpoq inuussutissarsiornikkut pitsaasumik pisariinnerusumillu sinaakkutissaqartitsinissaq.

- Inuussutissarsiornermi siuarsaanissamut pilersaarusiortoqassaaq.
- Inuussutissarsiornermi kiffartuussinissamut isumaqatigiissutit naleqqussarneqassapput.
- Inuussutissarsiornikkut unammilleqatigiinneq nukittorsarneqassaaq.
- Suliffeqarfinnik aallartitsiniaanermi periarfissat aningaasalersueriaatsillu pisariitsut.
- Nammineq pilersitserusussuseq annertusarneqassaaq.”

Neriulluta ullut suliffiusut qulit iluanni apeqquteqaatigisarput akissuteqaateqarfigineqarumaartoq.